



Informasjon om Statsforvaltaren sitt tilsyn – skolebasert vurdering.

I veke 14-16, 2021, vil Statsforvalteren gjennomføre tilsyn ved Tau skole, Resahaugen skole og Fjelltun skole i Strand kommune. Temaet for tilsynet er skolebasert vurdering.

Statsforvaltaren er ein statleg organisasjon. Vi har som ei av våre oppgåver å kontrollere at kommunar og fylkeskommunar følgjer loven.

Kva skal Statsforvaltaren kontrollere i felles nasjonalt tilsyn?

I felles nasjonalt tilsyn fører vi tilsyn med det same temaet på skolar i heile landet. I dette tilsynet vil vi kontrollere at skolen oppfyller krava i § 13-3e i opplæringslova. I denne paragrafen står krav som skal sikre at skolane driv kvalitetsutvikling gjennom skolebasert vurdering.

Skolebasert vurdering betyr at skolane skal bruke det dei veit om læringsmiljø og læringsresultat til å vurdere korleis opplæringa for elevar kan bli betre. Det er ei lovpålagt føring for å sikre systematisk arbeid med kvaliteten på opplæringa.

Arbeid med kvalitetsutvikling i skolen er viktig for å sikre barn sine grunnleggande menneskerettar og for å nå måla med opplæringa. Derfor har sentrale myndigheiter prioritert å følge opp at skolane følger lova på desse områda.

Korleis gjennomfører Statsforvaltaren tilsynet?

Når vi gjennomfører tilsyn, har vi ofte samtalar med elevar og foreldre ved skolen. I tillegg har vi intervju med lærarar, andre tilsette, rektor og skoleeigar. Målet er å synleggjere rutinar, ordningar og praksis på skolane. Vi har også på førehand bedt kommunen og skolen om å sende oss ulike dokument som vi brukar når vi skal kontrollere og vurdere skolen. Dette kan for eksempel vere dei planane som kommunen eller skolen har laga for å gjennomføre skolebasert vurdering.

I veke 14-16 vil vi møte nokre elevar, foreldre, lærarar, andre tilsette og rektor på dei tre skolane for å innhente informasjon. Vi vurderer informasjon vi får i samtalene saman med dokumentasjon vi har. Deretter skriv vi ein rapport der vi konkluderer. Dersom ikkje skolen følger alle reglane i loven, må Strand kommune sørge for at skolen rettar opp forholdet. De kan lese endeleg rapport på Statsforvaltaren [si heimeside](#).

Med venleg helsing

Statsforvaltaren i Rogaland

v. Elisabeth Ur Fjørtoft og Lina Bryne Larsen (tilsynsleiar)